

Maith mo choimirce ar cóir nDé

[McKenna, L.: *Dánta do chum Aonghus Fionn Ó Dálaigh*, Dublin 1919, poem 24]

Na Cúig Croidhe

1 Maith [mo] choimirce ar cóir nDé  
cóig croidhe ar a bhfuil fínné  
bím ar síodh na gcóig gcridhe  
móid an Ríogh [is] réidh[-eire].

2 Céad-chroidhe [ar] a gcuirim sin  
cosg feirge Ríogh an ríchidh  
guin na dearnainne deise  
[mear-bhuinne] d'fhuil uaithe-se.

3 Ar choimirce an dara cridhe  
cuirim cosg a oirbhire  
do ní sí dáil as dacra  
ar lámh chlí mo chomhdhalta.

4 [Dom] bhreith saor ó fheirg t'oighre  
ag sin cuid dom chomairghe  
dá chroidhe na ngéag-bhonn nglan  
éadtrom oire acht a n-iomchar.

5 Ós é féin fréamh an einigh  
as is mó mo mhuineighin  
an cíogh [lé] saor[faidhe] [sinn]  
taobh-chroidhe an Ríogh dá [róisinn].

6 Oineach as airde ná neamh  
gé tharla i gcroidhe an Choimdheadh  
mó croidhe Dé ná an domhan  
gidh bé oile a ordoghadh.

7 Ní fhuil ann díon as daingne  
air chuirim mo chomairge  
croidhe [d]éarcach Dé nimhe  
créachtach é lén oirbhire.

8 Croidhe nar loc gabháil goil  
dul 'na leith dúinn ní díomhaoin  
na thaoibh is teirce ar ndiomdha  
eitne taoibh an Tigheorna.

9 Raoin dearga na gcúig gcridhe

lór leam mar luach impidhe  
na gona doimhnei-se ar ndíon  
oirneise fhola an Aird-ríogh.

10 I gcomairce na gcúig gcneadh  
gé [tá] mo dhíol do dhaingean  
tar gach croidhe dar fhóir inn  
do Mhoire [oigh] ní éirghim.

11 Oineach as airde ná neamh  
máthair Aird-ríogh na n-aingeal  
ré iomlán as sia soillse  
lia a hiomrádh ná a abrai[m]-se.

12 Má tá go dt[iobhar]thaoi dhamh  
grás ar sgáth Mhuire mháthar  
re lán súl na seacht nimhe  
do cheart dún ní dlighfidhe.

13 Ó tá le ceo na cruinne  
easbhaidh eolais oruinne  
buime is [daigh-bhean] Dé Athar  
[tairngtheadh] mé [dom] mhearachadh.

14 Ní dóigh liom nach daingean damh  
fearg Íosa an uair as eagal  
lóchr[ann] síodha na saillse  
ór-chrann díona an domhain-se.

15 Féach orm a Mhíchíl lá an luain  
a mhaoir mheasruighthe an mhór-shluaigh  
bí mar sgéith ar sg[áth] m'anma  
's a chléith [tráth an] togharma. MAITH